

PROGRAM VAKCINACIJE

Šta je to vakcina?

Vakcina je lijek koji se koristi za aktivnu vještačku imunizaciju organizma. Nakon aplikacije vakcine i unošenja antigena u organizam dolazi do imunog odgovora organizma i stvaranja antitijela koja djeluju zaštitno u slučaju prodora virusa u organizam. Zavisno od broja antigena koji se daju postoje monovalentne, trovalentne, četvorovalentne i polivalentne vakcine. Najčešća vakcina koja se koristi za vakcinaciju sadrži antigene virusa štenećaka, zaraznog hepatitisa i parvoviroze.

Da li postoje štetne reakcije na vakcinu?

Na mjestu aplikacije može nastati manji otok, koji se spontano povuče za par dana. Veoma rijetko mogu se javiti reakcije preosjetljivosti, pa čak i anafilaktički šok. Može se javiti pospanost, gubitak apetita i prolazno povišenje tjelesne temperature koje se vraća u fiziološke granice u roku od jedan dan.

Napomena: Ukoliko pas oboli od jedne ili više bolesti protiv kojih je vakcinisan u roku od tri sedmice, smatra se da je bio u fazi inkubacije u momentu vakcinacije.

Ne smiju se vakcinisati psi koji su primali imunosupresivne lijekove (npr. adrenalin, antihistaminici, kortikosteroidi).

Skotne kuje?

U toku graviditeta organizam majke stvorena antitijela prenosi djelomično na štenad. Dio antitijela se prenosi i prvih dana poslije štenjenja preko majčinog mlijeka. Da bi titar antitijela protiv određene bolesti bio dovoljan da zaštiti štene u periodu do primanja vakcine (2 i 3 mjesec), poželjno je kuje vakcinisati na sredini skotnosti (oko 30 dana). Uz vakcinaciju potrebno je kuju očistiti od glista. Vakcinacija skotnih kuja se vrši atenuiranom monovalentnom vakcinom protiv parvoviroze.

Mačke?

Situacija je slična, mačke se vakcinišu protiv zaraznih bolesti koje se ne mogu liječiti kada do oboljenja već dođe. Imunizacija zdravih mačića se prvi put obavlja u starosti od osam nedelja i više.

Revakcinacija se obavlja 2-4 sedmice poslije prve imunizacije.

Mačići se vakcinišu protiv **panleukopenije mačkaka, herpes virusa i kalici virusa.**

Odrasle mačke se vakcinišu jednom godišnje protiv pobrojanih bolesti, a dodatno se vakcinišu protiv infekcije hlamidijom i virusom leukoze.

Zdrave mačke čiji organizam stvori antitijela na uneseni antigen pobrojanih bolesti zaštićen je od oboljevanja ukoliko dođe do prodora divljeg virusa u organizam.

Bolesti protiv kojih se u našoj zemlji mačke ne vakcinišu, a pojavljuju se sporadično su FIV (mačija sida), i FIP (infektivni peritonit).

Bjesnilo?

Veterinarska ambulanta „SLAVEN”
Ul. Ada 19 a , 78 000 Banja Luka Tel/fax 051 450-110 ,
E-mail: info@slavendoo.com



Vakcinacija protiv bjesnila je zakonski regulisana. Prema Pravilniku o mjerama za suzbijanje i iskorjenjivanje Bjesnila životinja obaveza svakog vlasnika je da svoje ljubimce (pse i mačke) vakciniše protiv Bjesnila. Zaštitnom cijepljenju podliježu svi psi stariji od četiri (4) mjeseca. Revakcinacija se sprovodi svake godine.

Izuzetak su psi koji se koriste u lovu. Oni se moraju dva puta godišnje vakcinisati, a u lov mogu ići po isteku vremena

Napomena: Vakcinacija pasa i mačaka nije 100% zaštita. U populaciji životinja uvijek postoji određen broj životinja koje iz raznoraznih razloga ne mogu stvoriti imunitet. Neophodno je da pored redovne vakcinacije životinja ima higijenski smještaj, pravilnu ishranu obogaćenu vitaminima i mineralima i vašu njegu.